



Sikuki Nuuk Harbour A/S
Aqqusinersuaq 48A
Postboks 4102
3900 Nuuk

Aalajangiineq: Qeqertaq Avallermi umiarsualivik nutaaq ASN-iliornissamut pisussaaffeqarfiuvoq

Nunalerinermut, Imminut Pilersornermut, Nukissiutinut Avatangiisinullu Naalakkersuisoqarfiup (matuma kingorna 'Naalakkersuisoqarfik') 30. juuni 2023-mi Sikuki Nuuk Harbour A/S-imut aalajangerneq nalunaarutigaa, Qeqertaq Avallermi Nuummiittumi kilisaatinut terminalimik nutaamik pillugu ASN-imut nalunaarusiortoqarnissaa pisussaaffeqartoq, taamaammatt aamma ASN-mik akuersissuteqartoqarnissaa piumasqaataasoq. Taamatuma kingorna Sikuki Nuuk Harbour A/S-ip ulloq 14. juuli nalunaarutigisimasartik uterteqqaat, taassumalu kingorna Naalakkersuisoqarfik nalunaarummik nutaamik nutartikkamillu suliassamut tunngatillugu ulloq 18. juuli tigusaqarpoq.

Allakkat ulluat: 05-09-2023
Suliap normua: 2023 - 7484
Allagaatip ilisarnaataa:
23368386

Postboks 1614
3900 Nuuk
Oqarasuaat: (+299) 34 50 00
Fax: (+299) 34 54 10
E-mail: pan@nanoq.gl
www.naalakkersuisut.gl

Aalajangiineq

Naalakkersuisoqarfik ASN-imut nalunaarut nassiunneqartoq suliareqqitaq tunngavigalugu naliliivoq, Nuummi Qeqertaq Avallermi kilisaatinut terminalip nutaap sananeqarnissaa pillugu ASN-imut nalunaarusiornissamut pisussaaffeqarfiusoq, taamaattumillu sanaartugassat kingusinnerusukkullu ingerlatsinissap aallartinnginnerini ASN-imut akuersissummik pisariaqartitsisoqartoq, tak. ASN-imut nalunaarummi¹ §§ 5, 7 aamma 8. Aalajangiineq ASN-imut nalunaarummi § 5, imm. 1 aamma imm. 5 naapertorlugit pivoq. Naalakkersuisoqarfiup kilisaatinut nutaamik terminaleqalernissaanut tunngatillugu ASN-imik mississuisoqarnissaanut pisussaaffiuneranut aalajangiussaq attatiinnarpaa.

Suliassamut nassuiaat

Qeqertaq Avallermi kilisaatinut terminali nutaaq, 300 meteri tikillugu talittarfiup allilernissaanut sanaatorneqarnissaa, umiarsualiviup atortuinik atortulik, kilisaatinik avataasiortunik sullissinissaaq siunertaralugu pilersinneqassaaq . Suliaqarfissamut nalunaarusiornermut suliareqqitamut atortut malillugit taanna 45.000 m²-inik angissuseqassaaq, tassungalugu nunaminertaaq qajannaallisagaq annerpaamik 30.000 m²-inik annertussuseqartussaaq nalunaarsukkanut ilaatinneqarpoq. Umiarsualivimmi suliaqarfissani nunaminertamillu

¹ Atortut ilaasa avatangiisinut sunniutaannik nalilersuineq aamma avatangiisinik nakkutilliinermut akiliutit pillugit Namminersorlutik Oqartussat nalunaarutaat nr. 5, martsip 27-at 2013-meersoq

qajannaallisakkami talittarfik aqqusernillu, inersuaqarfik, transformatoreqarfik il.il. inissisimassapput.

Nalunaaruteqarnermi najoqqutassat suliareqqitat malillugit ingerlatsinerup aallartinneqareernerani umiarsualiviup imartaani pioreersumi tamatumalu nunataani nunaminertami sumiiffinnik atorunnaartoqassaaq, taamaalillunilu oqartussaasut umiarsuaat, umiarsuit sinersorlutik takomariartitsisartut il.il. eqqarsaatigalugit inissat pitsaanerulissapput. Tamatuma peqatigisaanik kilisaatinut terminalip sananeqarnerani kilisaatit avataasiortut qalerualinnik aalisakkanillu usingiartarneri pitsaanerulissaaq, taakku erngerlutik avammut nassiussinissaq il.il. siunertaralugu containerinut terminalimut attuumasumut tunniunneqarsinnaassammata. Taamaalilluni nalunaaruteqarnermut najoqqutassat naapertorlugit Nuummi aqqusineqarfimmi lastbiilit angalasarneri ukiumut 10.000-it tikillugit pinngitsoortinneqarsinnaassapput.

Suliassaq pivisunngortinniarlugu immap iluani qaarsaq 6.000 m²-it missaanniittoq qartiterlugu piarneqartussaavoq. Nunami annikitsuinnarmik qartiterisoqarnissaa naatsorsuutigineqarpoq.

Sanaartugassat pingaartumik nunami nunaminertani pioreersuni ingerlanneqassapput immiisoqassallunilu, aammalu aqqusineq sinilik aammalu iluaniit immigaq sananeqassaaq.

Aalajangiinermut tunngaviusut

ASN-imut nalunaarummi § 5, imm. 1 naapertorlugu suliat, ASN-imut nalunaarummut ilanngussaq 1-imi allassimasut pinngitsooratik ASN-imut nalunaarusiornissamat pisussaaffeqarfiupput.

Suliassat nalunaarutigineqartut ASN-imut nalunaarummut ilanngussaq 1-imi imm. 16-imiippu², umiarsualivissap umiarsualivimmu pioreersumut allissutaasussammat taamaalilluni umiarsuit 1.350 tonsit qaangerlugit oqimaassusillit taliffigisinnaangussammassuk, tassalu killissarititaasut 1.350 tonsi inissisimasumiilluni, takuuk imm. 9.

Tamanna pissutigalugu sanatitsisoq ASN-imut akuersissummik qinnuteqassaaq, tassungalugu atatillugu ASN-imut nalunaarut sularineqartussaavoq, tak. ASN-imut nalunaarummi § 8. Suliassamat ASN-imut nalunaarummik suliartoqartinnagu sanaartugassat aallartinneqassanngillat.

² ASN-imut nalunaarummi Imm. 16, ilanngussaq 1-imi: "Ilanngussami uani pineqartumi allannguutissat sulluunniit imaluunniit suliassat annertusimanerannut, allannguisoqassatillugu imaluunniit annertusaasusaqartillugu, ilaatigut killissarititaasuusunut piumasaqaatigineqartunut naammassinnissimanissaq ilanngussami uani aalajangersaavigineqarpoq."

Pilersaarut sukumiisoq (Terms of Reference) Sanatitsisoq ASN-imut nalunaarummik suliaqaqqaartinnani pilersaarummik sukumiisumik (Terms of Reference) suliaqartussaavoq, taakkunungalu avatangiisinut pissutsinik misissuinissamut pilersaarutit ilaatinneqarput. ASN-imut nassuiaasiornermi suliat aallartinneqannginnerini Pilersaarut sukumiisoq (Terms of Reference) Nunalerinermut, Imminut Pilersornermut, Nukissiutinut Avatangiisinullu Naalakkersuisumit akuerineqartussaavoq, tak. ASN-imut nalunaarummi § 9.

ASN-imut nassuiaat

Sanatitsisoq Pilersaarut sukumiisoq (Terms of Reference-p) akuerineqarnerata kingorna ASN-imut nassuiaammik suliaqassaaq. ASN-imut nassuiaammi suliassap avatangiisinut kingunerisassaasa tulleriillugit allattorneqarnerinik imaqaassaaq, aammalu immikkoortunut, ASN-imut nalunaarummi §§ 10-mi aamma 11-mi allassimasunut tamanut isummernernik imaqaassalluni, taakkunungalu ASN-imut nalunaarummut ilanngussaq 4 ilaatinneqarpoq.

ASN-imut nassuiaat naammassinniffiusoq

ASN-imut nassuiaammi sanaartornerup taamatullu ingerlatsinerup nalaani suliassap avatangiisinut sunniutissaatut naatsorsuutigisat pingaarnertit tulleriiaarlugit naammassinniffiusumillu nassuiarneqarnissaat piumasarineqarpoq. ASN-imut nassuiaammi suliassammi pilersaarutaasumi periarfissat saniatigut qinigassat misissorneqartussaapput, aammalu nassuiaatip suliatigut pitsaassuseqarnera ima pitsaatigissaaq, sanaartornissap akuerineqarnissaanut aalajangiinissamut tunngavissiisinnaassalluni, taakkunungalu suliassap avatangiisinut sunniutissaannik piiaaniarluni annikillititsiniarluniluunniit piunasaqaatit (pinaveersaartitsissutissat) suut pisariaqartinneqassanersut ilaatinneqarpoq.

ASN-imut nassuiaammi avatangiisinut sunniutaanerluttussanik paasiniaanermi paasisat malillugit pinaveersaartitsissutaasussanut siunnersuutinik, sanatitsisup kingunerluutaasussat pinaveersaartinniarlugit atulersitassaanik imaqaassaaq.

ASN-imut nassuiaatip imassai piunasaqaatillu pillugit paasissutissanut sukumiinerusunut ASN-imut nassuiaat, tassungalu ilanngussat innersuussutigineqarput.

Suliassap naliliiffigineqarnissaanut atatillugu aningaasartuutissat akilerneqarnissaat

ASN-imut nalunaarummi § 14 naapertorlugu Nunalerinermut, Imminut Pilersornermut, Nukissiutinut Avatangiisinullu Naalakkersuisup sanaartukkamik sananissamut, alliliinissamut allannguinnissamulluunniit, ASN-imut nalunaarummut ilaatinneqartumut qinnuteqaammik suliaqarnermut naliliinermullu aningaasartuutai sanatitsisup akilertussaavai, tassungalu Pilersaarut sukumiisoq (Terms of Reference) § 9-mi taaneqartoq, kiisalu ASN-imut nassuiaat § 10-mi9 taaneqartoq, kiisalu tamanut ammasumik saqqummiussinermut aningaasartuutit, kiisalu avataaniit siunnersorneqarneq ilaatinneqarput.

Avatangiisinut iliuusissanut pilersaarutip, pilersaarutit allat programmillu, ASN-imut akuersissummut allannguutaasinnaasut tamatumalu kingorna ingerlatsinermik aallartitsinissamut akuerineqarnissaat ASN-imut akuersissummut ilaasussaapput, aammalu ASN-imut nalunaarummi § 14 naapertorlugu akiligassanngortinneqartussaallutik.

Akuersissutit akuerinninnerillu allat

Sukkulluunniit sanatitsisoq pisussaavoq, akuersissutinik immikkullu ittumik akuersissutinik pisariaqartinneqartunik pissarsiniassalluni, aammattaaq akuersissutinik immikkullu ittumik akuersissutinik, aalajangiinermi matumani allassimanngitsunik, tak. ASN-imut nalunaarummi § 27.

Maalaaruteqarnissamut ilitsersuut

Avatangiisit innarlitsaaliorneqarnissaannik Inatsisartut inatsisaanni nr. 9-mi, 22. november 2011-meersumi, kingusinnerusukkut allannguuteqartinneqartumi § 60 naapertorlugu aalajangiineq manna Avatangiisit Innarlitsaaliorneqarnissaannut Maalaaruteqartarfimmumut, Naalakkersuisunit pilersinneqarsimasumut maalaarutigineqarsinnaavoq.

Piffissaq maalaaruteqarfiususaaq avatangiisinik innarlitsaaliuinerumut inatsimmi § 60, imm. 3 naapertorlugu aalajangiinerup nalunaarutigineqarneraniit naatsorlugu sapaatit akunnerinik arfinilinnik sivisussuseqarpoq.

Maalaarutaasinnaasut uunga nassiunneqassapput:

Namminersorlutik Oqartussat

Nunalerinermut, Imminut Pilersornermut, Nukissiutinut Avatangiisinullu

Naalakkersuisoqarfik

Postboks 1614

3900 Nuuk

Tamatuma kingorna maalaarut najoqqutassanik suliap naliliiffigineqarnissanut ilaasussanik ilaqartillugu Nunalerinermut, Imminut Pilersornermut, Nukissiutinut Avatangiisinullu Naalakkersuisoqarfiup maalaarut Avatangiisit Innarlitsaaliorneqarnissaannut Maalaaruteqartarfimmumut nassitissavaa. Tamatuma peqatigisaanik suliami akuusut suliami maalaarummik takkuttoqarnera pillugu ilisimatinneqassapput.

Inussiarnersumik inuulluaqqusillunga



Natuk Lund Olsen

Naalakkersuisoqarfimmi Pisortaq Nunalerinermut, Imminut Pilersornermut, Nukissiutinut Avatangiisinullu Naalakkersuisoqarfik